

ქალაქ ფოთის მუნიციპალიტეტისა და განათლების სექტორს შორის თანამშრომლობა
„ქალაქ ფოთის გეგმარებითი და არქიტექტურული განვითარების იდეა“

ურთიერთთანამშრომლობის მემორანდუმი N01-08-17/72-2022-4

ქალაქ ფოთის მუნიციპალიტეტის საკრებულოსა
და საქართველოს ტექნიკურ უნივერსიტეტის შორის

ქალაქ ფოთის მუნიციპალიტეტი

15 ივლისი, 2022 წელი

ერთი მხრივ, ქალაქ ფოთის მუნიციპალიტეტის მერია, წარმოდგენილი მერის მოადგილის - დავით კვიციანის სახით (უფლებამოსილების დამადასტურებელი დოკუმენტი: ქალაქ ფოთის მუნიციპალიტეტის მერის 2022 წლის 14 ივლისის N ბ42.42221953 ბრძანება), ქალაქ ფოთის მუნიციპალიტეტის საკრებულო, საკრებულოს თავმჯდომარის მოადგილის - თორნიკე კირთაძის სახით (უფლებამოსილების დამადასტურებელი დოკუმენტი: ქალაქ ფოთის მუნიციპალიტეტის საკრებულოს თავმჯდომარის 2022 წლის 14 ივლისის N ბ.43.43221951 ბრძანება), და მეორე მხრივ, საქართველოს ტექნიკური უნივერსიტეტი, მისი ვიცე რექტორის ლევან კლიმიაშვილის სახით, შემდგომში წოდებული „მხარეებად“, ურთიერთობის დამყარებისა და სტუდენტთა (სივრცის დაგეგმარების, არქიტექტურული და დიზაინერული საქმიანობის სფეროს სპეციალობის სტუდენტები) მხარდაჭერის ღონისძიებების განხორციელების მიზნით, ეყრდნობიან რა თანასწორობისა და ურთიერთპატივისცემის პრინციპს, თანხმდებიან შემდეგზე:

მუხლი 1. თანამშრომლობის ფარგლები

მემორანდუმით მხარეები თავიანთი კომპეტენციის ფარგლებში, საქართველოს კანონმდებლობის შესაბამისად, ადგენერატორის მიზნით, თანამშრომლობის ფარგლებს შემდეგ საკითხებზე:

- თანამშრომლობენ სტუდენტების მხარდაჭერის საკითხებში;
- თანამშრომლობენ სწავლაზე ორიენტირებული, მოტივირებული და წარმატებული სტუდენტების წახალისების მიზნით;
- თანამშრომლობენ ქალაქ ფოთის მუნიციპალიტეტის სივრცის დაგეგმარების, არქიტექტურული და დიზაინერული საქმიანობის საკითხებში სტუდენტების ჩართულობასთან დაკავშირებით;
- თანამშრომლობენ სტუდენტების კვალიფიკაციის ამაღლების მიზნით;
- თანამშრომლობენ სტუდენტების სტაურირებისა და პრაქტიკის გავლასთან დაკავშირებით;

- ვ) სტუდენტების მხარდაჭერისა და წახალისების მიზნით ატარებენ კონკურსებს და ახორციელებენ სხვა ღონისძიებებს;
- ზ) საჭიროების შემთხვევაში უზრუნველყოფენ სხვა სახელმწიფო უწყებებთან, საწარმოებთან, ორგანიზაციებთან, პირებთან თანამშრომლობას და მათ ინფორმირებას;
- თ) უზრუნველყოფენ საქართველოს კანონმდებლობით დადგენილი მოთხოვნების დაცვას.

მუხლი 2. მხარეთა უფლება-მოვალეობები

1. მხარეები გაცვლიან ინფორმაციას ერთობლივად განსახორციელებელი ღონისძიებების შესახებ და ხელს შეუწყობენ მხარეთა წარმომადგენლების მონაწილეობას ამ ღონისძიებებში.
2. მხარეები ხელს შეუწყობენ, რათა შემუშავებულ და რეალიზებულ იქნეს ერთობლივი პროგრამები და გასამართი ღონისძიებები.
3. მხარეები ურთიერთშეთანხმების საფუძველზე შეადგენენ გასამართი ღონისძიებების მიზანს, ფორმას, განხორციელების მექანიზმს და სხვა.

მუხლი 3. ურთიერთთანამშრომლობის პირობები

1. მემორანდუმი არ ზღუდავს თანამშრომლობის სახეებსა და ფარგლებს. მხარეებს შეუძლიათ ითანამშრომლონ სხვა საკითხებში ორმხრივი ინტერესების შესაბამისად.
2. აღნიშნული მემორანდუმი მხარეების მიმართ რაიმე სახის ქონებრივ ან ფინანსურ ვალდებულებას არ წარმოშობს.

მუხლი 4. მემორანდუმის მოქმედების ვადა, ცვლილების შეტანისა და შეწყვეტის წესი

1. მემორანდუმი ძალაშია მისი ხელმოწერის მომენტიდან 1 (ერთი) წლის განმავლობაში.
2. მემორანდუმის შეწყვეტის საფუძვლები:
 - ა) მემორანდუმის ვადის გასვლა;
 - ბ) მემორანდუმის პირობების უხეში დარღვევა რომელიმე მხარის მხრიდან;
 - გ) მემორანდუმის შეწყვეტასთან დაკავშირებით, ერთ-ერთი მხარის მიერ არაუგვიანეს 30 (ოცდაათი) კალენდარული დღის ვადაში წარმოდგენილი წერილობითი განცხადება;
 - დ) საქართველოს კანონმდებლობით გათვალისწინებული სხვა საფუძვლები.
3. მემორანდუმში შესაძლებელია ნებისმიერი ცვლილებისა და დამატების შეტანა მხარეთა წერილობითი შეთანხმებით. ცვლილებები და დამატებები ძალაში შედის მხარეთა ხელმოწერის დღიდან.

მუხლი 5. დამატებითი პირობები

1. მემორანდუმი ძალაში შედის ხელმოწერის დღიდან.
2. მემორანდუმი ხელმოწერილია 2022 წლის 15 ივნისს.
3. მემორანდუმი შედგენილია 3 (სამი) თანაბარი იურიდიული ძალის მქონე ეგზემპლარად, ქართულ ენაზე და ინგლისურ ენაზე და ინახება მხარეებთან.

საქართველოს ტექნიკური უნივერსიტეტი

ქალაქ ფოთის მუნიციპალიტეტის საკრებულო

მის.:თბილისი, კოსტავას 77

მის.: ქალაქ ფოთის მუნიციპალიტეტი, დავით
აღმაშენებლის ქ. №12

ვიცე რექტორი:

ქალაქის მერის მოადგილე:

/ლ. კლიმიაშვილი/



საკრებულოს თავმჯდომარის მოადგილე:

/დ. კვიციანი/

საკრებულოს თავმჯდომარის მოადგილე: